

Lungzswng:

Myauzcuz Fungcingz Bangdoi Lajmbanj Lijyouz

Ndwen 7 ngoenz 11, youq Lungzswng Gak Cuz Swciyen Majdiz Yangh Canghyah Cunh Vwnzva Gvangj-cangz, vunzlai Myauzcuz cingq biujyienj cezmuz.

Geij bi neix daeuj, Lungzswng Gak Cuz Swciyen Majdiz Yangh Canghyah Cunh baengh gij vwnzva fungcingz Myauzcuz naekna dangdieg, gyoengq vunzmbanj gag bien gag yienj citheiq minzcuz miz daegsaek, caemhcaiq doenggvaq gij vunqsik “cihbu + hozcozse + nungzhoh” hwnghat lijyouz daejniemh minzcuz vwnzva, bohranz lwnyez caez lijyouz daengj, gyoengq vunzmbanj doenggvaq hwnghat lajmbanj lijyouz cugyamq gwn hwnj le “donq ngaiz lijyouz”, ndaej laisou baenz miz.

(Banh Cisiengz/潘志祥)



▲ Gyoengq bouxhek daeuj Canghyah Cunh youzcet.



▲ Vunzlai Myauzcuz yienjheiq hawj bouxhek yawj.



▲ Hagseng Gvangsiah Gohgi Dayoz son lwnyez hag vehveh.

Romcomz Gij Rengz Hauxseng Bangrengz Cinjing Banggungz

Mboengqneix, Gvangsiah Gohgi Dayoz bae daengz Yungzanh Yen Swdingj Cin haiguh aen hozdung gyajseizhwnq bae ndawbiengz lienhguh “sam roengz mbanj” bi 2019, yungh gij hengzdoengh saedsaeh bangrengz cinjing banggungz, fugsah aen canloz saenghwngh lajmbanj. Doenggvaq lienhguh dangciengz bang sonsaw, hawj gyoengq lwnyez diegbya gungzhoj gvaq aen gyajseizhwnq angqyangz, miz yiyi ndeu.

Ciuq cam rox, aen hozdung bae ndawbiengz lienhguh “sam roengz mbanj” Swdingj Cin bi 2019 Gvangsiah Gohgi Dayoz gungh baij 11 aen doih fugsah, gyoengqde bae daengz Sougiz Cunh, Yuznanz Cunh, Swdingj Cunh daengj hingzcwngcunh, haiguh hozdung gyajseizhwnq bae ndawbiengz lienhguh guh aen singhgiz ndeu, gyoengqde giethab gij daegdiemj ndanggaeuq, hai dangz vehveh, yienjheiq, Yinghyij, gohgi daengj, hawj gyoengq lwnyez damqra gij aumiz gohgi, ndanggaeuq doenghfwngz bae roxnyinh gij yinxdaeuz cihsiz, vih diegbya gyayuz banggungz ok faenh rengz ndeu.

(Veiz Yungzginh/韦荣军)

Fungcingz Mbanjmyauz Hawj Vunz Maez

Ndwen 7 ngoenz 11, aen hoih doigvangq gaisau lijyouz “Yungzsuij gyaeu-ndei • fungcingz Mbanjmyauz” youq Sinhcin banh, baihcawjbanh doenggvaq biujyienj gofoux, fat senh-conz swliu caeuq daejniemh huq lijyouz daengj hozdung, doigvangq gaisau gij swhyenz lijyouz miz daegsaek Mbanjmyauz caeuq lohsienq lijyouz ndei, angqcoux seiz hoengh-vuengh lijyouz gyajseizhwnq daeujdaengz.

(Lungz Dauh/龙涛)



▲ Dahsau Myauzcuz langh vunzbaengz daenj buhvag Myauzcuz hawj gyoengq vunz yawjngonz.

Dieg Anceiq Senj Dieg Banggungz Denzyangz Sing Fwen Haprwenz Haenh Aencingz Dangj



▲ Gyoengq bouxgyaez ciengq fwen lwni daiz ciengq fwen.

beksingq baenz miz dangj, youh haenh cinjing banggungz, vut gungz gunggeng, vut gungz duet mauh hawj vunzlai daengx yienh ndwenngoenz gvaq ndaej ngoenz ndei gvaq ngoenz haenx, daengx ciengz yienjok vunzlai gig haengjgyaez, moix hot ciengq sat, bouxyawj laj daiz cungj dopfwngz nyaunya.

(Vangz Gzsun/黄国顺)